



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 27. De Coronatione.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

hac vita cum Christo flagris cædi, vt in altera gloria illius participes simus.

8. Christus de tot iniurijs & ignominijs quas à Iudæis patiebatur, neque verbo questus est, neque re vlla refractarium se ostendit: vt doceret nos, in vindicando honorem Christiani non esse, sed in ferenda patienter, si quã accepit, iniuria.



MEDITATIO XXVII.

DE CHRISTI

CORONATIONE.

PVNCTA MEDITATIONIS.

Mat. 27 I. *Milites suscipientes IESVM, in Pretorium congregauerunt totam cohortem.*
Mar. 15.
Ioan. 19.

II. *Exuentes eum, chlamydem coccineã circundederunt ei.*

III. *Plectentes coronam de spinis, posuerunt super caput eius.*

FIGVRA.

Gen. 23. **A**BRAM vidit montem, qui vertice alios montes supereminens, spinis esset obsitus. Hunc cum ascendisset, eo loci obtulit sacrificium filij Isaac.

PRO:

PROPHE TIA.

EGRE DIMINI filia Sion, videte Regem Salomonem in diademate, quo coronavit illam Mater sua. *Cant. 3.*

DOCUMENTA.

1. **P**URPURA caritatis operienda est multitudo peccatorum & vulnerum animæ nostræ : vt Christus texit Sanctissimi corporis lacerationem veste purpurea.
2. Per ludibrium regiam Christo vestem iniicimus, cum actiones in speciem bonas exercemus, sed quæ coram Deo, quod minus recta intentione fiant, vitiosa, & sine vlllo merito sint.
3. Non satis fuit Christo pati toto corpore, sed etiam capite, vt solueret poenas inobedientiæ, quam admittimus non solum in exsequendis mandatis, sed etiam iudicio & voluntate propria.
4. Si nullam corporis partem voluit Christus doloris expertem esse; æquum est, vt nulla sit in nobis vel animi vis, vel corporis pars quæ non in eius seruitio occupetur.
5. Coronam spineam cum Christo gestant, qui patienter ferentes huius vitæ tentationes & molestias, incedunt via arcta & spinosa ad salutem.
6. Acrius pungunt, & plus afferunt doloris capiti Christi, inanes nostræ cogitationes, & vagæ distractiones animi in laudibus diuinis recitandis, quàm spine illius asperæ coronæ.

N

7. Qui

7. Qui se Christianos professi, ac minimum quidem molestiarum ferre possunt, & quavis exigua re turbantur & prosternuntur, contemplantur hoc patientiæ speculum, ut sub capite spinis coronato, pudeat ipsos esse membra delicata.



MEDITATIO XXVIII.
DE VARIA ILLUSIONE
DOMINI IN DOMO PILATI.

PUNCTA MEDITATIONIS.

- Mat. 27* I. Dederunt arundinem in dextera eius.
Mar. 15. II. Genuflexo illudebant dicentes: AVE
Ioan. 19. REX IUDAEORVM.
III. Expuentes in eum, accepta arundine percutiebant caput eius, & dabant ei alaphas.

F I G U R A.

2. Re. 16. DAVID fugiens Abtalonem, cum tritis, discalceatus, operto capite incideret, à Semei inimico maledictis, & irrisionibus, simul etiam iniurijs & contumelijs affectus est.

P R O P H E T I Æ.

Iere. 20. FACTVS sum in derisum tota die, omnes
subiannant me.

Audi.